

光緒九年

大邑縣志

板藏本衙

重修大甯縣志序



甯地居山土瘠民貧類皆勤儉務本余承乏六載固樂其風氣之古而士民亦相安余之拙也政簡之暇每思舉邑乘而重新之庚辰春適奉

憲檄飭郡州縣修志以進查甯志凡四修自道統甲辰重輯於巴陵杜公至今垂四十載時有變更政多損益人物不無繼起官秩不無陞遷况自光緒丑寅兩年災祲迭見變置尤多其間戶口有逃亡田地有荒蕪丁徭之蠲免物產之凋耗今昔之

大甯縣志

卷之一

不相及也遠甚何可無以志之惟舊志刻簡無存僅得殘編數帙爰與紳耆蒐羅採訪共得若干延李實之孝廉續爲增纂方輿雖仍其舊事蹟悉補其新剛繁勘誤三閱月而告成夫人之好善誰不如我宰斯邑者知治今與治古異時也瘠土與沃土異地也理簡與理繁異術也補救與粉飾異術也因地而制宜隨時爲通變振頹敝之俗而進以仁讓之風則豈徒爲紀載之簡編而已哉

光緒七年歲次辛巳季春靜海崔同紱紫舫敘

序

崔紫翁邑侯宰甯有年循聲卓著救荒一政尤爲
心力交瘁華棠近在梓鄉得熟聞其梗概庚辰
冬以甯志重修見囑華棠自維謏陋而義不容
辭非敢自在纂修不過續舊增新拾遺補缺乎
口紀其實因賦準諸今以及建置官秩選舉賑
蠲並孝義貞烈之當於輿論者俱似類增八我
邑侯又從而校正之而甯之情形瞭如指掌矣抑
思志者紀也所以備觀省而垂鑒戒也慨自丑

大甯縣志

卷之一

寅兩歲薦臻饑饉固百年未有之災而

發帑蠲租尤曠世不遇之典生斯土者知時不可倖
諸天貨惡其棄於地苟賑恤殊恩則輸將恐後
感村墟寥落則敦睦爲先覩忠孝而勉爲家國
之先慕淑貞而克稟閨門之化金湯鞏固比戶
可封玉燭調時豐綏獻頌正人心維風俗將
是乎在則非特

邑侯之幸而實亦甯士人之厚幸也

光緒七年歲次辛巳季春隰州李華棠實之

原序

余叨宰晉屈觀山川佳秀人物清竒索縣志觀其勝
吏曰無有崇正五年賊火連七日刻簡一束早化冷
烟余聞之殊悵然卽欲謀纂修譜全寧事者久之夙
月間奉上通飭纂修郡州縣志余甚喜副吾初願因
屬邑人劉子似柳曹子陶菴代爲之兩人廣搜博採
刻期旬日纂書成八卷以來余披閱數過其山川形
勢戶口丁徃地畝錢糧及風俗人物疆圉阨要等項
俱分門別類譜載周詳郁郁麗麗成一邑完書矣後
大寧原序

卷之一

之視今不若今之視昔矣是爲序

康熙壬子歲廣安馮應太儀生序

原序

大寧誌自崇正壬申一炬後久爲華陀青囊經矣越
康熙壬子前令馮君纂成之凡八卷四冊數數披讀
寧地寧事寧人瞭然在目守土者資以爲治何能釋
卷但指屈壬子之今垂二十年方輿雖云如故而建
置不無增補職官不無陞遷賦役不無損益以及人
文之丕變與夫節孝之事久論定種種漸積又非昔
觀則續編之役正適當吾時也其敢置之膜外乎况
寧地簡僻無事官其地者督課之暇更宜讀書因與
大寧原序

卷之一

四

者儒若許人講學論文道義相勗當官耐茶飽之餘
案攤邑乘聚頭共觀平心商確冗者刪之缺者補之
疑者闕之旋訂旋錄事皆鑿鑿人必表表而文藝詩
詞一準諸政教風化之最相關而止書成余於例當
有序故序之

康熙庚午歲濱宛劉芳永鍾原序

原序

邑人劉而介

寧故無志明萬歷初紹溪吳公以郡倅督餉行部至
邑因愛山水之奇風烟之美撰爲七記雖非完書而
邑之有志也自此始後天啟間環海王公以外翰理
篆事念文獻之微典不容缺命前孝廉海若安先生
督其事先生冥搜博取勒成一家言則寧之有成書
也又自此始迨其季也遭欃槍之亂付之一炬壬子
秋

詔修一統志部檄各直省及府州縣各彙志書以進

大寧原序

卷之一

五

儀生馮父母哀集綜核而余等曾校讐叅閱其間今
又遇鍾原劉老父母三年政成之暇慨然以重修志
念卜期開館日與余七人俱摘瑕拈疵芟煩補缺天
一閱月而書以告成例得有言余思作志者如畫工
然夫畫家寫照或人物或山水或花卉鬚眉衣褶
嘗不宛肖也跌宕流止未嘗不備具也花葉枝幹
嘗不逼真也今志寧之圖索山川田賦戶口官師
舉忠孝節烈等猶人物之鬚眉衣褶也猶山水之跌
立流止也猶花卉之花葉枝幹也無不與他類同

於地瘠民貧較他邑則天淵矣然今亦概謂之邑而
概謂之志是又當觀之志外可乎

大寧原序

卷之一

六

原序

邑人曹續祖

歲壬子前任馮明府編邑誌予實隨同人後代爲捉
刀今遇邑侯鍾翁劉公三年政成取前誌重訂之而
仍以參考繕錄之役屬之邑人士則予又在其列也
因與同事約纂輯之法務以簡明爲主地理天星風
景人物據實直書通現本色節孝續入必反復核實
破除情面不敢寬假卽藝文小道亦必取反經歸正
足以感發人心者衡量收錄而風雲月露之章擯不
得竄入其中其他分門別類應增應刪參互考訂凡

大寧原序

卷之一

七

一閱月而草以具鍾翁披覽畢飭繕成帙付之梨棗
傳之永久然則是書也雖山河之美古蹟之勝閭里
之盛物產之豐不及通都大邑而邑之人觀此樸魯
儉勤則堅其安土重遷之志觀夫忠良孝義則興其
去惡向善之心此固邑大夫之所喜而亦都人士之
厚幸也是爲序

原序

予奉

命宰是邑晉謁 各大憲時恭逢

前旨纂修通志甫及下車已奉 各憲檄采邑中人物

藝文一切他務未遑爰取邑乘披閱之見自康熙庚午重修以來又隔四十餘年再遲則更難稽考至劉此董司其事者爲劉似柳曹陶菴兩君子問其後時劉有若劉文瀾有若曹振公召而屬以此任二則遜謝再三予曰班馬世掌史氏千古傳爲佳事大寧原序 卷之一 八

子續前人業以光大典何辭焉二子卽領之於耳持所及見聞外加以廣詢周訪旋訂旋錄則 竣僕數數翻閱見其浮濫者刪殘缺者補自 午後四十餘年事皆備載詩詞文集無非風化攸關孝行節義類多貧民編戶不必妄矜博雅自得古直意在二子固可爲前人光僕亦可以復 各憲命藉以供

重采擇豈不懿哉至於此志之源流編集前人序

矣不贅

維正德戊戌歲

原序

邑人劉源涼

寧志自定鼎以來始修於廣安馮公再修於宛平
劉公兩番纂輯之役俱出先君子令尹公暨前孝
廉陶菴曹先生之手越今庚戌四十餘年矣恭遇
邑侯杜公政事之餘爰召余等而命之曰我
朝受命奄有中外一統之盛從未有如今日也

萬幾之暇特念 本朝名宦鄉賢孝子節婦埋沒於荒
烟冷草者指不勝屈非筆諸簡冊何以旌善類此
纂修一統志之 詔所由下也今各部邑咸彙志

大寧原序

卷之一

九

書以進寧雖十室彈丸志乘顧可闕焉弗講乎不
佞日執掌於簿書何暇耳筆擗詞重輯之舉微子
其孰望耶余聞之既慚不敏又不敢辭迨檢閱舊
編書凡八卷分門別類例法詳密惟有昔是而今
非者有缺於前而興於後者節孝等項有應續入
者爰日與同人酌定可否不閱月而告竣邑尊又
從而修飾之於是開卷之餘不但天星地理山川
形勝與夫田賦風物瞭若指掌卽名宦鄉賢孝子
節婦向之呻吟於風雨悲號於星日者茲則名

青史悉啣恩於九原矣不幾可以上副
聖天子旌善之至意成昭代一統之盛典也哉是為序

大寧縣志

卷之八

原序

邑人曹周姓

大寧故有志自壬申一炬後纂修自馮明府重輯於
劉明府先是予伯祖孝廉公暨先外祖令尹劉公一
時贊襄厥事刪繁就簡歛華歸實咸推爲信志迄今
四十年職官陞遷賦役損益以及人文丕變與夫節
孝義行事久而論定者例宜編輯今

上御極之八年詔修

大清一統志憲檄府州縣各輯志書以進吾寧邑侯蘊
翁杜老父母職司補輯祇以王事靡盬不暇捉筆屬

大寧原序

卷之一

七

予等綜核參考予自揣固陋文不雅馴不過奉命撈
管分門別類凡寧邑之地理天星風景人物止寫本
來面目續入忠孝節義必邑大夫准六節與同人反
復校核務求克當真情詩詞文藝非有裨世道人心
者概不濫續至於賦役不無損益疆域非昔屬隸以
及官秩陞遷祇查照改補期於無不信焉顧吾思之
是役也因與劉子文瀾若而人共襄厥成究之數人
之所見不敵百千人之所見其中繁簡取與寧無一
之可議乎後之君子各以爲然而更正之

爲全志矣豈不善與

大寧原序

卷之一

十一

重修大寧志序

歲己丑

統

初授蒲州郡丞時巴陵杜召亭同年需次

并門剪燭談詩恂恂有古儒吏風今秋攝篆龍泉適

召亭重宰大寧接晤時雖然道故講求吏治民隱甚

悉閱三月攜其重修大寧縣志四冊屬爲之序

統惟

今之稱州縣者動曰守土之吏親民之官夫曰守土

者非徒坐鎮已也山川之形勢封域之要隘村鎮之

疎密田畝之肥磽與夫溝渠橋道必親歷焉如指之

掌而後利弊於以周知沿革於以悉當日親民者非

大寧志序

卷之一

三

第辭聽已也戶口之增減賦役之多寡人物之秀頑

風俗之澆厚與夫倉儲墮墮必綜核焉務得其實而

後憂樂於以相通情偽於以畢達召亭兩宰是邑

有年所其才其學其識素所蓄積者早超絕儕俗而

又深之以閱歷習之以見聞固已百里之內近如一

室編戶之衆親於家庭矣大寧縣志自雍正庚戌重

修後距今百餘年其中訛者宜正闕者宜補今昔

同者宜修表章未及者宜採爰率邑人同成是編其

用心亦良苦也即可信其求治之有素也夫志者

据之淵博藝文之精擇已哉詩曰鼓鐘於宮聲聞於外召亭治行卓著

上憲將手剡達諸

朝異日者政績之昭播由一邑以推之一郡由一郡以推之一省豈僅爲方隅所限乎毓不敏謹綴數言後之君子當信其言之非諛也是爲序

道光二十四年歲次甲辰長至後五日平江州會毓識於隰州官舍

序

大寧舊有志明季兵燹後纂修於

本朝康熙壬子至庚午暨雍正庚戌又復次第重修懼其久而無稽也今距雍正庚戌百一十餘年矣建制如常平倉今在縣署東暨東北不知何時遷徙舊志載在小寨又云今廢此何事也而可云寧耶疆域則南北僅七十五里舊志云袤凡八十里又云輪一百八十里有奇訛以傳訛後人之惑甚孝義貞節文武職官乾隆四十年以前已不可

大寧志序

卷之一

五

考他如田賦戶口之類今古亦甚懸殊爰率郭生屏等匡正聯遼激揚鬱滯刪繁補畧兩閱月而成

編案

竊思之明宏治時秦人志朝邑者人物則

正如高御史翔周通政或貞烈如龍門村劉氏女若而人皆畧而不書地理如沮水大渭數千年前成化時已崩入河乃仍書入渭經韓五泉子郭志此邑而闡揚之更張之康對山見而嘆服此書得無有類此者耶是所望於後之君子

道光二十四年歲次甲辰孟冬楚南杜棠召亭叙

原序

邑人郭

屏

屏不敏謬爲

杜召亭夫子所賞識甲辰秋爰以重修甯志之役
命屏等屏自顧淺劣而義不容辭退與諸同輩
廣採博訪約得孝子若干人義士若干人節婦
若干人具屬確有事實可驗傳誦於人口者
依項增入其他分門別類載之舊志者當因
因當刪則刪所以風景不殊山川則仍乎舊
先異制賦役必準諸今至於土產物類視時

大甯縣志

卷之一

序

所有而後筆之於書參互考訂凡兩閱月稿
成我

夫子又加以潤色而詞乃質而不俚簡而能該
今之志雖猶是昔之志也而意緒自別矣時
校太甯縣訓導張紹杰採訪廩貢尉九齡楊
雷元帝劉繡基曹敏銘廩生馮治平劉紱基
大觀高尚友繕寫廩生楊向榮